

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-14-4-4432-4/19
Datum: 29.10.2019.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19 i 31/19), člana 69. stav 1. tačka b) i stav 2. tačka d), a u vezi sa članom 70. stav 1. i 4. Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-14-4-2625/19 od 13.05.2019. godine i Rješenjem broj: 02/5-1-14-4-2625-1 od 30.08.2019. godine, u postupku javne nabavke hrane za odrasle službene pse, putem konkurentskog zahtjeva za dostavu ponuda, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU
O PONIŠTENJU POSTUPKA JAVNE NABAVKE HRANE ZA ODRASLE SLUŽBENE PSE

I

Poništava se postupak javne nabavke hrane za odrasle službene pse za potrebe Uprave policije Ministarstva unutrašnjih poslova Kantona Sarajevo, pokrenut na osnovu Odluke broj: 02-14-4-4432/19 od 20.08.2019. godine i Obavještenja o nabavci broj: 16475-7-1-86-3-86/19 od 23.09.2019. godine, iz razloga što nijedna od primljenih ponuda nije prihvatljiva.

II

Ova Odluka stupa na snagu danom donošenja.

Obrazloženje

Na osnovu Odluke broj: 02-14-4-4432/19 od 20.08.2019. godine i Obavještenja o nabavci broj: 16475-7-1-86-3-86/19 od 23.09.2019. godine, proveden je postupak javne nabavke hrane za odrasle službene pse za potrebe Uprave policije Ministarstva unutrašnjih poslova Kantona Sarajevo, putem konkurentskog zahtjeva za dostavu ponuda, uz primjenu e-aukcije, s namjerom zaključivanja okvirnog sporazuma na period od 12 mjeseci.

U postupku predmetne javne nabavke Komisija je blagovremeno i pravilno organizovala otvaranje ponuda, o čemu je sačinila Zapisnik broj: 02-14-4-4432/19 od 09.10.2019. godine.

Prema Zapisniku sa otvaranja ponuda broj: 02-14-4-4432/19 od 09.10.2019. godine, za aktivno učešće u postupku dostavljene su ponude ponuđača: PoljoVet d.o.o. Gradačac, Agrinatura d.o.o. Sarajevo i Bečka priča d.o.o. Sarajevo.

Komisija je zapisnički konstatovala da je ponuda ponuđača Bečka priča d.o.o. Sarajevo dostavljena nakon isteka roka za dostavu ponuda, te u skladu sa članom 15. stav 6. Uputstva za pripremu modela tenderske dokumentacije i ponuda („Službeni glasnik BiH“, broj: 90/14 i 20/15), ista je evidentirana kao neblagovremena i neotvorena vraćena navedenom ponuđaču.

Komisija za sukcesivne nabavke za potrebe Uprave policije izvršila je pregled i ocjenu dostavljenih ponuda te sačinila Zapisnik o pregledu i ocjeni ponuda broj: 02-14-4-4432-4/19 od 28.10.2019. godine, kojim je utvrdila sljedeće:

- da je ponuda ponuđača Agrinatura d.o.o. Sarajevo nepotpuna i ne ispunjava uslove tražene TD-om. Naime, na strani 6. ponude u Obrascu za cijenu ponude (Aneks III) u dijelu „analiza i procentualni sastav ponuđene hrane (POPUNJAVA PONUĐAČ)“ ponuđač Agrinatura d.o.o. Sarajevo je naveo referentne vrijednosti zadate TD-om, a ne vrijednosti koje sastav njihove ponuđene hrane zadovoljava. Tačkom 16.2. ekonomsko-finansijske sposobnosti (član 47. Zakona) na strani 6. TD-e, kao uslov tražen je „izvještaj o svim računima koje ima privredni subjekat izdat od strane Centralne banke BiH i potvrda da račun, koji je označen kao glavni račun ponuđača, nije bio blokiran u zadnjih šest mjeseci, izdat od strane banke“. U tom kontekstu ponuđač Agrinatura d.o.o. Sarajevo u svojoj ponudi dostavio je potvrdu o solventnosti banke, u kojoj nije naznačeno da se radi o glavnom računu. Takođe, u izvještaju Centralne banke BiH, koji je dostavljen u ponudi na strani 37., račun za koji je dostavljen označen je slovom R – kao račun za redovno poslovanje. Naprijed navedenim nisu ispoštovani uslovi traženi TD-om, a u skladu sa članom 47. Zakona o javnim nabavkama. Tačkom 16.3. tehnička i profesionalna sposobnost (član 49. Zakona) na strani 7. TD, kao uslov tražen je „dokaz o izvršenom ispitivanju fizičko-hemijskog sastava hrane za životinje radi određivanja sadržaja proteina, masti, vlakna, vlage te utvrđivanja energetske vrijednosti... od strane akreditovanog tijela“. Ponuđač Agrinatura d.o.o. Sarajevo je na stranicama 39. i 40. svoje ponude dostavio Izvještaj o ispitivanju: S-3798/2019 koji je izdat od tijela koje nije akreditovano za fizičko-hemijska ispitivanja. Takođe, iz navedenog Izvještaja se vidi da energetska vrijednost hrane ponuđača Agrinatura d.o.o. Sarajevo ne zadovoljava traženu TD-om. U Izvještaju o ispitivanju broj: S-3798/2019 i Izvještaju o ispitivanju broj: S-3799/2019 koji su sastavni dijelovi ponude, kao Kupac (naručilac usluge ispitivanja) navedena je firma Bosnet group d.o.o. Hadžići, a ne ponuđač Agrinatura d.o.o. Sarajevo. Pa pri tome nije jasno koja hrana se nudi, jer učesnik u postupku predmetne nabavke nije firma Bosnet group d.o.o. Hadžići, a u samoj ponudi nije dostavljen nikakav dokument o eventualnoj saradnji između ova dva pravna lica. Takođe, nigdje u ponudi nije naznačeno koja hrana je predmet ponude. U skladu sa naprijed navedenim, ponuda ponuđača Agrinatura d.o.o. Sarajevo nije prihvatljiva.

- da je ponuda ponuđača PoljoVet d.o.o. Gradačac nepotpuna i ne ispunjava uslove tražene TD-om, jer u sastavu ponuđene hrane nema Omega 3 i Omega 6, a što je traženo TD-om. Na strani 4. TD tačkom 11. propisano je da su ponuđači dužni dostaviti u svojoj ponudi Izjavu o garantnom roku u skladu sa garancijom proizvođača. Ponuđač PoljoVet d.o.o. Gradačac nije dostavio navedenu izjavu, te takođe u nacrtu okvirnog sporazuma (Aneks X) na strani 19/58 njihove ponude i u nacrtu ugovora (Aneks XI) na strani 22/58 nije upisao garantni rok. Tačkom 16.2. ekonomsko-finansijske sposobnosti (član 47. Zakona) na strani 6. TD, kao uslov tražen je „izvještaj o svim računima koje ima privredni subjekat izdat od strane Centralne banke BiH i potvrda da račun, koji je označen kao glavni račun ponuđača, nije bio blokiran u zadnjih šest mjeseci, izdat od strane banke“. Ponuđač PoljoVet d.o.o. Gradačac na strani 58/58. u svojoj ponudi dostavio je potvrdu o solventnosti banke u kojoj nije naznačeno da se radi o glavnom računu. Takođe, izvještaj Centralne banke BiH u ponudi navedenog ponuđača nije dostavljen. Naprijed navedenim nisu ispoštovani uslovi traženi TD-om, a u skladu sa članom 47. Zakona o javnim nabavkama. Tačkom 16.3. tehnička i profesionalna sposobnost (član 49. Zakona) na strani 7. TD, kao uslov tražen je „dokaz o izvršenom ispitivanju fizičko-hemijskog sastava hrane za životinje radi... od strane akreditovanog tijela“, te da „u potvrdi (nalazu ili sl.) od akreditovanog tijela mora biti naveden i naziv Ugovornog organa i broj nabavke“. U dokazu koji je dostavio ponuđač PoljoVet d.o.o. Gradačac na strani od 49/58 do 57c/58 nije naveden naziv Ugovornog organa i broj nabavke. Takođe, ovaj dokaz ne zadovoljava traženi uslov navedenom tačkom TD. U skladu sa naprijed navedenim, ponuda ponuđača PoljoVet d.o.o. Gradačac nije prihvatljiva.

Prema tome, ponude ponuđača Agrinatura d.o.o. Sarajevo i PoljoVet d.o.o. Gradačac nisu prihvatljive.

U postupku donošenja ove Odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, primjenom člana 69. stav 1. tačka b) i stav 2. tačka d) Zakona o javnim nabavkama ("Službeni glasnik BiH", broj 39/14), riješeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi, putem ovog Ugovornog organa, u roku od 5 (pet) dana od dana prijema ove Odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14).

POLICIJSKI KOMESAR
Generalni inspektor policije

Nusret Selimović

Dostaviti:

1. Sektoru za materijalno-finansijske poslove
- ② Odjeljenju za odnose s javnošću, radi objave na Web stranici ovog organa
3. Ponuđačima u postupku
4. a/a

